

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

IV. De fundamento, subiecto, & obiectis dominij.

[urn:nbn:de:hbz:466:1-72877](#)

D V B I V M IV.

De fundamento, subiecto, & obiecto dominij.

Ad S. Thomam 2. 2. q. 66. a. 1. & 2.

33 **Q**uæritur primo, quodnam sit fundamen-
tum dominij. Respondeo, fundamentum
dominij esse liberum arbitrium, seu intellectum
simul & voluntatem. Ita communis habet senti-
entia cum S. Thoma q. 66. a. 1. & colligitur ex
Gen. 1. v. 26. *Faciamus hominem ad imaginem &*
similitudinem nostram; & prius pectoribus maris, &c. v-
niversaq; terra. Imago Dei in libero potissimum
arbitrio consistit; hanc sequitur dominium in-
res creatas. Ratio est. Quia per hoc habet ho-
mo potestatem libere disponendi de rebus. Vide
Victoriam relectione de Indis parr. 1. n. 2.

34 Error autem Waldensium, Wicleffii, Hussii,
& Armaçani lib. 10. quaestionum Armenicarum
cap. 2. & 4. assertum, hominem constitui do-
minum rerum omnium, per gratiam & charita-
tem; qua proinde amissa, perdatur omnē domi-
nium & iurisdictionē, damnatus est in Concilio Con-
stantiensi sess. 8. & pluribus refellitur à Walden-
si doctrinali cap. 8. 1.

A qua sententia etiam non multum differt illa,
asserens titulum dominij esse fidem supernatura-
lem, quætribuit Ostiensis in cap. super his, de
voto & voti redempzione; & ab omnibus rejici-
tur iuxta illud: *Redite ergo quae sunt Casariis, Casari,*
&c. Gerson autem part. 2. serm. in Cœna Do-
mini, de dominio Euangelico, & Conradus lib.
1. de contractibus cap. 2. præter dominium ciuilie,
nescio quod gratificatorum dominium assertentes,
in charitate fundatum, in re quidem nihil aut
parum videntur errasse. Sed modus loquendi
caute temperandus, ne cum errore hæreticorum
videatur colludere.

35 Quæritur secundo, Quodnam sit subiectum
dominij. Respondeo, subiectum dominij aliud
esse propinquum & immediatum, scilicet ipsum
liberum arbitrium, vt recte Bannes quest. 62. a.
1. aliud vero remotum, nimurum omnes & so-
las substantias intelligentes, iuxta S. Thomam
q. 66. a. 1. Habet enim Deus absolutum & inde-
pendens dominum rerum omnium creatarum,
quo sine cuiusquam iniuria (saltem secluso pacto
& promissione sua, quam quidem negare non
potest) liberamente de ijs potest disponere, etiam
occidendo, annihilando, & affligendo; sicut nos
cum muscis agimus. Etsi quidam, in quibus etiā
Bellarmine lib. de scriptoribus Ecclesiasticis ob-
servatione in tom. 7. Augustini, conuenienter
eidem Augustino epist. 105. & 106. & lib. 2. de
peccatorum meritis cap. 16. (vbi is tamen solum
loquitur de afflictione per modum vindictæ, cor-
rectionis, vel debiti) negent, Deum etiam absolu-
luta potentia potuisse hominem damnare, si non
peccasset: quod tamen rectius assertur, tum à
pluribus Theologis, tum in lib. de predestina-

tione & gratia cap. 16. vt pluribus dictum tomo
2. disp. 4. q. 10. dub. 6.

Angeli quoque, vt & animæ separata, habent
dominium suorum actuum secundū omnes. Ad-
dunt Salon, & Arragonius q. 62. Angelos habere
etiam dominium rerum corporalium. Sed pro-
prie non habent, vt recte Sotus lib. 4. q. 1. a. 2. Ban-
nes ante q. 62. de dominio q. 1. Lessius lib. cap. 4.
dub. 1. quia non possunt de eis velut suis, & in fu-
um commodum disponere; sed & mandato Dei,
tanquam Praefecti regij, prouincias & vrbes Regis
nomine administrant; quæ tamen ipsa auctoritas
administrandi potest vocari dominium late, vt
notat Lessius ibidem.

36 Homines vero non solum habent dominium
suum actuum liberorum, sed etiam in ultarum
rerum corporalium, vt magis declarabitur dub.
seq. non solum quoad vñsum, sed etiam quoad sub-
stantiam, ex communi; licet eas quoad naturam
& proprietates suas suo arbitriatu immutare omni-
modo nō possint, vt Deus; quod soluni voluit
S. Thomas q. 66. a. 1. contrarium dicere visus.

Infantes quoque & amentes vere habent ac re-
tinent rerum suarum dominium, vt recte cum Vi-
ctoria relectione de Indis n. 2 1. & 2 2. Lessius dub.
2. Sufficit enim ipsum liberum arbitrium quoad
actum primum, vna cum titulo sufficienti; et si
per accidens liberi arbitrij vñsus absit, iuxta illud
ad Galat. 4. v. 1. *Cum sit Dominus omnium.* Secus est de
cæteris animantibus, quæ nullo modo sunt capa-
ces dominij; quicquid Conradus, Maior & Ger-
son dixerint apud Arragonium ad q. 62. de domi-
nio. Quanquam etiam perpetuo amentes excide-
re dominio gubernatio seu iurisdictionis, non
improbabiliter sentiant Caïetanus tom. 1. Salon
ad q. 62. de dom. q. 2. a. 4. & in specie dictum disp.
1. q. 4. dub. 4.

37 Serui autem etsi per se & iure communi nullū
habeant dominium bonorum externorum, vt patet
Instit. Per quas personas nobis acquiratur, & l. In
vestimentum. 25. ff. de peculio. & cap. Cum olim, de
privilegijs, vbi etiam ita re ipsa tradit Nauarrus;
tamen saltem ex peculiari consensu domini, aut
etiam mutua consensione, ab ipsis quoque seruis
proprium aliquid possideri posse, non est negan-
dum: siue dominus expresse consentiat, seruum
habere peculium, siue aliquid ipse ei concedat
independenter ad proprium vñsum, ac seruu ex
his sibi quicquam subtrahat, aut ex his etiā quid-
piam ulterius lucretur, vt recte Molina disp. 38.

38 Cum statu vero Religionis, etiam approbatæ,
licet vniuersim non pugnet dominium aliquod
directum, etiam particulare, vt patet ex peculiari
constitutione Gregorij XIII. edita Anno 84. quæ
incipit *Ascendente, &c.* multo minus dominium
vniuersale, spectans ad ipsam solum Comunitatē,
seu totum cœtum in communi, quod quidem rei-
ipsa plerisque Religionibus competere, non pauci
probabiliter docent, vt seq. quæsto dicemus: re-
ipsa tamen, & de facto Religiosi Professi cuiusvis
Religionis approbatæ, vt & Coadiutores Formati,
seu temporales, seu spirituales in nostra Socie-
tate, nullum habent particolare dominium ter-
restrialium; idque ex probabili solum

Ecclesiastico iure, non diuino, ut iuxta S. Thomam q. 88. a. 7. sentit Azotom. i. cap. 6. quæstione 4. Vasquez i. 2. disput. 165. cap. 6. Lessius hic cap. 4. n. 22. & c. 41. n. 71. conuenienter cap. Vnico de voto & voti redempt. in 6. & decreto Gregorij XIII. in citata Bulla, qua incipit. *Aſſeſſante domino. De qua re plura disp. 6. quæſtio. 3. dub. 4.*

Quæritur tertio, Quænam sint obiecta humani dominij. Respondeatur assertionibus sequentibus.

40

ASSERTIO I. Homo habet quoddam naturale & quasi vniuersale dominium in omnes res inferiores, sive sublunares, à ſe diuerſas; non autem in corpora coelestia. Ita ex com. S. Thomas q. 66. a. 1. signanter loquens de rebus temporalibus, id est, corruptibilibus. Et colligitur ex illo Gen. 1. v. 26. *præſit pīſcībus mārī, & volatīlibus cālī, & bestijs, vniuersaq. terra (quo nomine etiā cætera elementa subinde tacite intelliguntur, ut ibidē v. 1. Creauit Deū calūm & terrā) omniq. repeſili quod mouetur in terra.* Et rursū ibidē v. 28. *Dominānū pīſcībus mārī, & volatīlibus cālī, & vniuersis animantib⁹ que mouentur ūper terrā.* Et psal. 8. v. 7. & 8. *Conſtituisti eum ūper opera manuum tuarū. Omnia ſubieciſti ūb⁹ pedib⁹ eius. &c.*

41

Ratio est; quia hæc omnia, ut natura sua sunt inferiora homine, ad eiusq; vsum diuinitus creata; ita item dispositioni hominis aliquo modo ſubiacent; adeo ut ea quoad suas qualitates alterare, ſuoq; vſui accommodare, & quoad ſubſtantiam etiam imutare ac corrumpere poſſit, citra cuiusquam iniuriam.

Quod ſi quædam partes rerum ſublunarium, ut ignis ſub concavo luna, & ſuprema aëris regio, dispositioni hominis non ſubiarent, id est per accidens: ſatis eſt, quod ex ſua natura, ac in ſimili eiusdem ſpeciei, ut & pīſces v. g. ſue theſauri altissimo mari imersi, aues & animalia in terris vel montibus inaccessis delitescant.

Nec enim hic loquimur de aliquo dominio ciuili completo; ſed naturali, ſeu ciuili incompleto, ac ſecundum aptitudinem quandam proximam, in ipſa naturæ excellentia fundatam. Quo ſenu etiam Aristoteles i. Polit. 4. dixit, quosdam naturaliter naſci ſeruos aliorum.

42

Secus eſt de corporibus coeleſtibus; que ſecundum ſe (effectus enim eorū ut lumen, influentia, computantur in rebus inferioribus) diſpoſitioni hominis nullo modo ſubiarent; licet eidem commoden, & quaſi minifert ex diſpoſitione primi motoris & Angelorum, ut agri paterni filiofamilias, ex diſpoſitione Patris.

43

ASSERTIO II. Poteſt quidem etiam, iure gentium, homo dominium obtinere in hominē, velut mancipium; ſed non tam perfectū, quam in equum, aut alia; quæ etiam libere ſine cuiusquam iniuria poſteſt deſtruere; quicquid antiquæ leges de ſeruis aliter ſtatuerint. Ita communis; & patet tum ex Iure Ciuiti paſſim, ut videre eſt tit. de emendatione ſeruorum titulo. de libertinis. tit. de libertis. tit. de Mancipijs. tit. de ſeruis. tit. Si ſeruus, in Cod. Tum ex ſcriptura, tam ante legem ſcriptam Genef. 12. & 20. quam

in lege ſcripta. Exod. 21. Leuit. 25. Deuter. 20. & 21. ac insuper in lege Euangelica, i. Co-rinth. 7.

Vnde conſtat nec apud Christianos deſiſſe hoc ius, niſi forte reſpectu Christianorum in Christi annos, iuxta dicta diſp. 2. quæſtio. 6. dub. 5. etiā contrarium ſignificat Lessius cap. 4. dub. 9. In ſtatuto tamen naturæ integræ, nulla erat futura ſeruitus, ſed ſimplex poſteſtas Iurisdictio[nis], iuxta Auguſtinum libro 18. de ciuit. cap. 15. & com-munem.

Ratio eſt; non ſolum quia vnuſ homo natu-ra altero multo excellentior eſt; ita ut vnuſ quodammodo aptus ſit ad parendum tantum, aliud vero etiam ad regendum, ut ſupra ex Aristotlele dixi; hoc enim ſolum indicat conuenientiam & aptitudinem huius dominij: ſed etiam quia nulla lex obſtrat, quo minus aliud homo in hominiſ dominium quoddam etiam particulae ac ciuile veniat.

Dixi tamen, non tam perfectum &c. quia do-minium hominiſ in hominem, non tam videtur esse directum, quam utile ob causam ſuperius dictam. Quanquam id iſto perfectius ſit ideo, quod ſeruus etiam vendi poſteſt à domino propria authoritate.

ASSERTIO III. Homo proprie non eſt domi-nus viṭe & membrorum ſuorum; ſed cuſtos quaſi & vſuarius. Ita ex communi docent S. Thomas q. 54. a. 3. ad 2. & q. 64. a. 5. ad 1. & 3. Caietanus q. 73. art. 3. Victoria relect. de homicidio nu. 23. (quicquid hic alias ſenſerit) Sotus 4. de Iuſtitia. quæſt. 2. a. 3. Valentia q. 10. pun. 1. Atragonius. Bannes ad q. 62. Lessius l.c. Colligitur ex ſcriptu-ra, quæ ſoli Deo hoc dominium tribuit. Sap. 16. v. 13. *Tu enim, Domine, qui viṭa & mortis habes poſteſtem;* Ratio eſt; non ſolum quia homo de his ſuo arbitratu disponere non poſteſt, ea abiciendo, etiam ob quemcunq; ſinem; ſed etiam quia ipſa viṭa, ac ſubſtantia hominiſ, ut & liberum arbitrium, eſt fundamentum dominij humani, ad-eoque quiddam prius omni humano domino.

ASSERTIO IV. Nec princeps etiam, aut Re-publica eſt dominus viṭe ſuorum ſubditorum vel ſeruorum. Ita citati ex communi. Colligitur ex ſcripturis citatis, & Exod. 21. verſ. 10. *Qui perzufierit ſeruum ſuum, vel ancillam virg., & mortui fuerint in manib⁹ eius, criminis reuerti.*

Accedit, quod ſinguli reſpectu Re-publice habent ſe ut membra eiusdem corporis; quodque ſeruus in dominum non plus poſteſtas po-tuerit tranſferre, quam in ſeipſum antea ha-berat. Quod ſecundum proportionem etiam de Republica dicendum; quæ tamen ius habet, ci-uem pernitioſum perimendi; ad eum modum, quo quisq; etiam priuatus ius habet membrum puritudo reſecandi,

ASSERTIO V. Howo eſt Dominus libertatis ſuꝝ; ac insuper etiam famæ, honoris, ſcientiæ, gratiæ, & aliorum ſpiritualium bonorum, ac habituum, tam naturalium, quam ſupernaturalium. Colligitur ex S. Thoma q. 64. a. 5. ad 3. vbi ait, hominem eſſe dominum rerum omnium, quas acquirit poſto libero arbitrio: & quæſt. 73. art. 4. ad 1. docet;

doct, in cuiusque arbitrio esse, pati detrimentū suā famā, nīf hoc vergat in detrimentum aliorum. Expressē idem de fama, contra Caetanum V. Detra-
gio, docent post Victoriam, Sotum, Nauarrum, Couarruiam, Adrianum, Petrus Nauari⁹ l.2. de restitut. c. 4.n. 114. Valentia q. 10. pun. 1. Arrago-
nius, Basius, Lessius locis cit. Ratio colligitur ex definitione dominij dub. 2. explicitata.

⁴⁸ De bonis spiritualibus idem docent Canus re-
lectione de pœnitentia par. 4. ad 2. Valentia q. 10.
pun. 1. Salōn ad q. 66. q. 3. a. 4. Banes ibid. q. 2.
de dominio, Arragonius q. 62. ibidē; adeo ut hæc
sit sentētia cōmuniſ Theologorū. Ratio generalis
est, qā homo potest his oñib⁹ vti tanquā reb⁹ suis
ac in suum cōmodum, easq; per se loquendo pro-
digere, sine cuiusquam (particulare aliquod do-
minium habentis) iniuria; licet non absque pec-
cato, seu iniuria Dei: nec potest etiam ijs inuitus
priuari. Et licet reuera omnes ista solum videan-
tur esse quaſtiones de nomine; melior tamen lo-
quendi modus, iuxta dicta, retinendus est.

⁴⁹ ASSERTIO VI. Bonorum immobiliū Ecclesiæ,
& supellec̄tilis sacræ Ecclesiæ, dominū proprie
ad solum Deum, siue Christum spectat, vsus
vero & administratio ad Prælatos, seu Commu-
nitatem cuiusque Ecclesiæ, ex probabiliſ. Ita
Maior 4. dist. 24. q. 16. Azor tom. 2. lib. 6. cap. 1.
q. 4. Nauarrus commentario 2. de Regularibus
dum. 34. & quæſt. 1. de redditibus monitione
40. & in cap. Non licet, §. 9. n. 4. vbi id etiam de
fide censet. Sed non recte, quia contraria sen-
tentia, vti etiam dixi in materia de scandalo, est
probabilis, afferens, eiusmodi rerum dominium
esse penes cœtum Ecclesiasticorum, (quamvis
Religiosorum) cuiusque Ecclesiæ. Quam sequit
ur Caetanus cit. quæſt. de scandalo, Waldensis
lib. 4. doctrinalis a. 3. cap. 43. Columna de redi-
tibus cap. 23. n. 105. Lessius cap. 4. dub. 5. & 7.
& à fortiori Sarmentus part. 4. reddituum Eccle-
siasticorum cap. 6. male tamen aſterens, id domi-
nium etiam esse penes singulos, ad quos ius pro-
uentum Ecclesiæ pertinet.

Probatur afflito ex iure Canonico, in quo ſe-
pissime res eiusmodi vocātur res Dei, aut Deo do-
nate, vel traditæ, vt videre eſt in Canone Aposto-
lorum 39. & can. Nulli licet, & can. Prædia. 12. q.
2. & can. Videntes, cauſa 16. q. 1. & in Concilio Tri-
dentino ſeff. 25. cap. 21. de reformatione. De qua
re multa dixi lib. 1. Defensionis Ecclesiasticae li-
bertatis. Idem colligitur ex Iure Cæſareo, Inſtit.
de refū diuifione. §. Vniverſitatis. & l. 6. §. Sacra. ff.
eod. tit.

⁵¹ Ratio eſt. Tum quia antiquitus hec oblata ſunt
Deo ab iphis Fundatoribus, & quidē perſæpe sol-
lenni formula, quā ex capitularibus Francorū l. 6.
c. 285. & 288 fufius deſcripsi l. 1. Ecclesiasticae de-
fensionis c. 9. vbi interalia dicitur: *Qui quis noſtrū*
ſuas res Ecclesiæ tradit, Dño Deo illas offert atq; dedicat,
ſuifg Sanctis & non alteri, dicendo talia, & agendo ita.
Facit enim scriptura de iphis rebus, quas Deo dare deſide-
rat, & ipſum scripturam corā altari, aut ſupra, tenet in
manu, dicens eiusmodi loci ſacerdotibus atq; custodibus: Of-
fero Deo atq; dedico omnes res, quæ in hac Chartula tenetur
inſerit, pro remiſione peccatorū meorū, ac Parentum, &

filiorum, aut pro quoq; illas Deo deliberaſe voluerit, ad ſeruendum ex his Deo in ſacrificijs, Miffarumq; ſolemnis orationib; luminarijs, pauperum ac Clericorum alimo-
nijs, & ceteris diuinis cultibus, atq; illius Ecclesiæ utilita-
b;is, &c. Tum quia iuxta canones, & ipsam offe-
rentiū diſpositionem, conuentus Ecclesiasticus cuiusque loci tenetur illa ad posteros trāſmittere, nec potest ea vēdere vel extingueſe pro arbitrio; licet interim ſummus Pontifex in his omnibus habeat ſupremam administrationē. Tum quia an-
tiquo more, nec Abbates, aut conuentus Monas-
ticatorū ſcribunt ſe dominos talis ditionis, vrbis,
pagi; ſed potius ipsam etenim ecclonia locaꝝ ſacra vo-
catur à Germanis *Domus Dei*. An vero, & qua ratione ſinguli Ecclesiastici habeat dominiū redituū ſuorū, dieetur ſuo loco de Reſtitutione.

DVBIVM V.

*De origine dominij, & varijs mo-
dis acquirendi vel amittendi do-
minium in genere.*

Ad S. Thom. 2. 2. q. 66. a. 1. & 2.

⁵² E Gimis haſtenus de fundamento, ſubiecto, &
obiecto dominij nunc de eius origine, & ac-
quisitione, adeoque titulis agendum eſt.

ASSERTIO I. In genere loquendo, tres ſunt mo-
di ſue tituli acquirendi dominium, quorum duo
poſteriorē etiam ad dominij amissionem ſpe-
rant. Primus eſt, *Inuentionis*, ſeu occupatio rei,
quæ nullius eſt; fit enim hæc primo occupantis. Tales ſunt gemmæ reperte in litore maris, Inſtit.
de rerū diuifione. Idem lapilli preciosi, & venae
metallorū inuenientæ in viſceribus terra. Quanquā
Sotus l. 5. q. 3. a. 3. ad 1. Valentia q. 10. pu. 3. Lessius
cap. 5. dub. 12. recte notant, ſeclusa lege & con-
ſuetudine particulari, potestatem & ius fodiendi
tantum competrere ei, qui eſt dominus loci. Quo-
cirkā etiam Indos occidentales iure potuisse pro-
hibere Hispanos, ab occupatione talium rerum
in ſua regione; etiſi contrarium ſenſerit Victoria
relect. de Indis part. 3. n. 4.

⁵³ Tales quoque ſunt pifces fluminum, feræ fil-
iarum (ſaluo interimi iure venandi, pifcandi, cui
id ſpeciatim reſeruatum eſt;) niſi peculiaris for-
te lex obſter, impediens dominium, de quo ſuo
loco de Reſt.

Tales etiam ſunt theſauri ab immemoriali tem-
pore defoſſi, qui nullum dominum habere preſu-
muntur; fiunt enim inuenitoris, ſi in proprio fun-
do inueniātur, ex l. falfus. ff. de furtis. & §. Thesau-
rus. Inſtit. de rerum diuifione. Inuenti vero in-
fundō alieno, & quidem dedita opera, & inuitio
vel inconsulto domino fundi, iure communi ce-
dunt domino illius loci; & ſi dominium fundi ſit
diuifum, dimidia pars proprietario, altera vſufru-
ctuario, ex communiori apud Caetanum & Ar-
ragonum qua ſt. 66. art. 5. Nauarrum man. cap.
17. num. 175. Molinam diſputat. 56. Sayrum c.
9. n. 9. & ex constitutione poſitiui iuriſuſtra, etiſi
quidam aliter ſentiant, vt dicetur n. 64.